

KERATAN AKHBAR

TARIKH : 31 MEI 2023
 AKHBAR : SINAR HARIAN
 MUKA SURAT : 3

Berita keutamaan isu kos sara hidup

Beri keutamaan isu kos sara hidup



Orang ramai membeli barangan sempena Karnival Kita Madani Daerah Seberang Perai Selatan, Nibong Tebal baru-baru ini. Rakyat berpendapat isu inflasi dan kos sara hidup harus menjadi keutamaan kerajaan sekarang.

Majoriti responden tak puas hati cara kerajaan tangani inflasi, kos sara hidup

KUALA LUMPUR

Kerajaan Perpaduan disarankan untuk mengutamakan usaha mengurangkan inflasi dan merajana pertumbuhan ekonomi. Berdasarkan kaji selidik oleh Endeavour-MGC, sekitar 22 peratus daripada 1,068 responden melibatkan semua kaum mendapati isu berkenaan harus menjadi keutamaan kerajaan. Jelasnya, kira-kira 21 peratus

daripada 791 responden Melayu menyuarakan hal sama.

Hasil dapatan mereka turut mendapati 52 peratus kaum Melayu dan 46 peratus responden semua masyarakat di Semenanjung tidak berpuas hati dengan prestasi Kerajaan Perpaduan dalam menangani isu inflasi dan kos sara hidup.

Hasil kajian menunjukkan hanya 27 peratus responden Melayu dan 32 peratus responden semua kaum berpuas hati dengan pentadbiran Anwar dalam menangani kedua-dua isu berkenaan.

Selain itu, 57 peratus dan 48 peratus berpuas hati dengan Belanjawan 2023 yang dibentangkan oleh Anwar, yang juga Menteri Kewangan pada 24 Februari lalu.

Begitupun, sebanyak 59 peratus responden Melayu dan 56 peratus responden semua kaum mengakui menerima manfaat daripada program dan peruntukan kewangan di bawah Belanjawan 2023.

Sementara itu, peratusan responden Melayu yang tidak bersetuju dengan keputusan kerajaan agar tidak membenarkan satu lagi pengeluaran khas simpanan dalam skim Kumpulan Wang Simpanan Pekerja (KWSP) adalah paling tinggi iaitu 51 peratus, manakala responden semua kaum sebanyak 44 peratus.

Kaji selidik pendapat awam itu dijalankan melalui persampelan rawak berstrata dari 4 hingga 18 April lalu, dengan margin kesilapan keputusan adalah antara tiga dan 3.5 peratus berdasarkan bilangan pemilih berdaftar di Semenanjung, setakat Jun 2022.

HASIL KAJI SELIDIK OLEH ENDEAVOUR-MGC (APRIL 2023)

